

清・姚俊編

經驗良方全集・痘疹易知



清・姚俊編

經驗良方全集・痘疹易知



經驗良方全集·痘疹易知 解題

清·姚俊編。成書於同治二年（公元一八六三年）。

此書爲內、幼科醫著。今收錄與本草藥相關之『痘疹易知藥性』。

今據清·同治四年（公元一八六五年）惠謙堂刻本影印。

（劉國堂）

痘疹易知藥性

人參味甘性溫、益元氣而生精血、復元神以補五臟、

第肺寒宜而熱還傷肺、

黃耆味甘性溫、固腠理而補元氣、內托陰症之瘡瘍、

外固表虛之盜汗、

甘草甘平無毒、生則寒而炙則溫、生固分身稍而瀉

火、炙還健脾胃而和中、解百毒而有效、協諸藥

而無爭、

當歸甘辛性溫、生血養血之必需、活血止血之莫缺、

痘疹易知

卷四 藥性

七

頭止血而上行、身養血而中守、稍破血而下流、

全活血而不走、虛則補而滯則行、實調血之良

品、得川芎以升散、資芍藥而斂附、

生地甘苦性寒、涼心火之血熱、瀉脾土之濕熱、止鼻

中之衄熱、除五心之煩熱、痘家紅紫所必需、藥

中解毒不可缺、

熟地甘苦性溫、活血氣、封鎖骨髓滋養腎火、補益真

陰、得升柴則能發散、得桂附則能回陽、得參芪

而入氣分、得歸芍而入血分、

南赤芍、苦酸微寒、能瀉能散、破血中之滯氣、療毒癰之腹痛、卽煩熱而亦解。

白芍、味性同上、能補能收、扶陽氣、除腹痛、收陰氣、健脾經、補虛而生新血、退熱尤良。

川芎、味辛性溫、引清氣而行頭角、起頭面之毒、佐參芫以行陽分、解肌表之邪、可爲導引通行之使、但性多辛散、火在上而氣虛者宜避、白朮、味甘性溫、健脾而利水、燥濕而溫中、能補氣、故能發痘、能固脾、故能止瀉。

痘疹易知

卷四 藥性

辛

麥門冬、甘平性寒、清心肺之煩渴、生津補液、非虛熱而弗合。

糯米、味甘性溫、滋脾胃而益中氣、助血生漿、能制痘毒使之弗攻。

扁豆、甘平性溫、健脾而和中、養胃而止嘔。

柴胡、味苦微寒、發散熱邪、瀉肝膽之毒火、解肌開表、退往來之寒熱。

防風、味辛性溫、散風邪而引周身之閉、驅風燥濕、升麻、味苦微寒、升陽氣、達肌表、散風寒、善走陽明、引

葱白散手陽明之風邪、引石膏止足陽明之齒痛、火炎者宜戒、

葛根、味甘性寒、散肌表之邪、兼能解渴、

檳榔、苦辛性溫、辟痰逐水、殺蟲去積、

荊芥穗、味辛苦溫、散風熱而清血中之火、微上微下、

梗主發汗、痘疹戒用、

白芷、味辛性溫、散風邪而逐寒溫、止頭痛而除搔癢、

化癰毒、善走陽明、故能起頭面之痘、亦托肌肉之膿、

痘疹易知

卷四 藥性

差

麻黃味苦性溫、其形中空、散寒邪而發表、其節中閉、

止盜汗而固表虛、陰寒沉滯之邪、非此不能散、

木通、甘平性寒、導赤除煩、毒從溺解、

桔梗、苦辛微溫、止咽痛、兼除鼻塞、利膈氣、仍治肺癰、

一爲諸藥之舟楫、一爲肺部之引經、

牛蒡子、味苦性寒、清喉解毒、邪從肌洩、痘紅紫、熱盛

者、可用、

紫草、味苦性寒、涼血活血、治熱邪而解痘毒、滑利大

便、凡用紫草、必下糯米五十粒、以製其冷性、庶

不損胃氣而致泄瀉，惟大熱便結者，不必用糯米。

蟬退，味甘性溫，散風熱而疎邪氣，故能解痘瘡之毒風。

殭蠶，鹹辛微溫，散風痰，解痘毒，尤利咽喉。

犀角，味苦酸鹹，解心火而清肝脾，凡痘中血熱吐衄，焦黑煩燥，皆可用之以解熱毒。

蜂蜜，味甘性溫，益脾生津，可結痂亦可落痂。

硃砂，味甘微寒，鎮心氣而除熱毒，墜痰涎而安驚悸。

痘疹易知

卷四 藥性

三

琥珀，甘平微溫，利水除煩，安神散血。

黃連，味苦性寒，瀉諸火而解熱毒，乾嘔聖藥。

元參，酸苦微寒，去浮遊之火，解咽喉而快癰。

滑石，味甘大寒，利六腑之塞結，溺赤尤宜。

羌活，苦甘微溫，利筋骨，走經絡，散肌表之毒風，故能

止周身之痛。

薄荷，味辛性涼，散風熱，清頭目，利咽喉，解熱毒。

肉桂，味辛性熱，氣薄者桂枝，氣厚者桂肉，氣薄則發

洩，桂枝上行而發表，氣厚則發熱，肉桂下行而

補腎

官桂、味辛性溫，能養榮而解表，亦煖血而行經。凡痘瘡營衛不充，而見寒滯者，必用此以導達血氣，且善行參芪熟地之功。

附子、味辛性熱，脾腎虛寒，元陽大虧，凡泄瀉嘔吐，不能止，寒戰厥逆不能除者，非此不可以益火之源。

生薑、味辛性溫，避惡氣而散寒氣，溫中氣而開脾胃，止嘔吐之要藥，製半夏有解毒之功，佐大棗有

痘疹易知

卷四 藥性

七

厚腸之益

陳皮、辛苦性溫，和脾胃，達陰陽，開痰行氣，而消脹。

山楂、味甘性溫，寬氣道而鬆痘，消食亦宜。

木香、辛苦微溫，理滯氣而溫脾胃，乾紅色滯者不可少。

丁香、味辛性熱，煖胃逐寒，順氣止嘔，腹痛寒滯者尤宜。

肉蔻、味辛性溫，固腸而溫中，行滯而止瀉，中寒滑瀉者最宜。

白茯苓甘淡性溫利竅而除濕益氣而和中小便多而能止大便結而能通心驚悸而能保津液少而能生白者入壬癸赤者入丙丁

石膏辛苦大寒解煩渴之如烟退炎熾之火烈不使焦黑

連翹味苦微寒清三焦浮遊之火解痘疹癰瘍之毒枳殼苦酸微寒消心下痞塞之痰泄腹中滯寒之氣推胃中隔宿之食削腹內連年之積

梔子味苦性寒利小水降脾肺膀胱之火使從小便痘疹易知

卷四 藥性

五

而出

龍膽草味苦性寒大清肝腎之火上退眼目之赤痛下消足膝之熱腫

生大黃味苦性寒驅臯毒而不留破惡瘀而不守不令內潰須佐生草用在傳于心經

酒炒生軍去口臭口爛等症用在傳于肺經

九軍塊去久滯之積賦用在傳于肝經

九軍片補痘後之虛熱用在傳于脾經

黃芩味苦性寒瀉肺火而涼大腸失血亦宜

黃栢味苦性寒、補腎虛、降龍雷之火、安上除虛驚之

虬蟲

桑白皮、味甘性寒、瀉肺火而治氣逆、

金銀花、味甘性平、解痘後之餘毒、紅紫毒盛者、尤宜、

又解目中之毒、

桃仁、苦甘性寒、潤大腸、血秘之難便、破大腸久蓄之

血結、

甘菊花、味甘微寒、清頭目之風邪、

紫厚朴、苦辛性溫、溫胃而去嘔脹、消痰亦可、

痘疹易知

卷四 藥性

芫

燈心、味平性淡、利小水、除心腫、

蒼朮、味甘性溫、燥脾而去濕、消食而寬中、

牽牛、味苦性寒、入肺經而利小便、通大腸而消水腫、

亦能除氣分之濕熱、

天花粉、甘苦性寒、除內熱而止乾渴、化痰涎而止咳、

嗽、能消毒、亦能通經、

竹葉、苦辛性寒、除新舊風邪之煩熱、止喘促氣盛之

上衝、

山豆根、味苦性寒、解熱毒、能止咽喉之痛、食少而瀉、

者勿服

枳實苦酸微寒消胸中之虛痞逐心下之停水化日

久之稠痰削年深之堅積

知母味苦性寒瀉無根之腎火療有汗之骨蒸止虛

勞之陽勝滋化源之陰生

五味子味酸性溫滋腎經不足之水收肺氣耗散之

金除煩熱生津止渴補虛勞益氣強陰

山藥味甘性溫助脾益腎

車前子味甘性寒止泄瀉利小便猶能明目利小便

痘疹易知

卷四 藥性

平

而不走氣與茯苓同功

牛黃味苦性寒護心解毒清火開痰

鹿血甘溫無毒大補虛損益精血解痘毒亦解藥毒

豬苓味淡甘平入足太陽瀉膀胱開腠理利小便

細辛味辛性溫走少陰合病之首痛散三陽數變之

風邪

麥芽味甘性溫消食健脾

神麴味甘性溫開胃口進飲食尤能消中焦之停滿

杏仁味苦性溫開心氣之閉塞止嗽亦得

訶子肉、味苦性溫、塞脾虛之滑瀉、

大棗、味甘性溫、助脈強神、大和脾胃、

紅花、味辛性溫、治痘中之血熱、多則行血、少則引血

歸經、

川牛膝、味苦酸平、活血而生血、引諸藥以下行、

半夏、味辛性溫、除濕熱、化痰涎、大和脾胃、亦止嘔吐、

牡丹皮、辛苦性寒、退陰中之伏火、散血熱之氣結、

地骨皮、味苦性寒、退痘後之虛熱、

川貝母、辛苦微寒、治毒痰而利心肺、

痘疹易知

卷四 藥性

全

藿香葉、味辛性溫、開胃口、能進飲食、止霍亂、仍除嘔逆、

乾薑、生則味辛、炮則味苦、生則逢寒邪而發表、炮則

除胃冷而和平、

梨、味甘性寒、潤肺涼心、消痰降火、止嗽除渴、生則清

六腑之熱、熟者滋五臟之陰、人知其清火消痰、

不知其散風尤妙、去核將白糖裝滿、入花椒七

粒、蒸熟、一則去風、一則養脾、

卷四終